

卷十二 人物志上

重修洪洞縣志

洪洞縣志卷十二

人物志上

語云十室之邑必有忠信又云地靈則人傑洪邑山川盤鬱歷代所鍾其間名臣通儒文人孝子勵節好善耆老逸民皆足備異日採風之選舊志人物均收入人文志內稱名未確故門類亦多未協今改立人物志分爲十門而一邑之人才具備於此矣志人物

列傳

漢

郅都 減宣

魏

徐晃

金

郭子通

喬辰

子字

明

石璞

衛政

衛英

段讓

韓文

李杲

鄭傑

王錫

韓士聰

韓士奇

韓士賢

郭世榮

南仝

于璞

張天祿

許翔鳳

張道

喬遷

李復初

劉榮

韓廷偉

劉廷相

劉廷臣

晉朝臣

趙克勤

柳世謙

王三接

劉應時

劉應科

晉應槐

李秉愚

邢實

劉守仁

董光裕

王嘉棟

盧夢麟

晉承命

趙邦清

晉承眷

晉淑朴

王家楹

韓續祖

申嘉言

范宏嗣

李茂實

王家植

清

劉令譽

楊義

宋炳奎

宋調元

晉淑軾

陰應節

李因篤

范鄒鼎

韓象起

陰積祚

王煒

申玉衡

范爾梅

劉業長

靳之隆

劉我義

劉我禮

劉誌

劉鎮

劉勳

岳瀚

劉光晟

劉秉愉

劉秉愼

劉秉恬

劉大懋

劉大懿

王楷通

王楷蘇

王楷歐

王楷維

王爾城

劉寶第

李作桐

李學宰

衛緒煥

劉肇淮

張恢

董思源

董麟

董文煥

王軒

韓耀光

賀助

邳都者揚人也

徐廣曰正義河東地志索隱故邳音城漢書云揚國東漢大

揚縣城也今秦晉及州漢洪洞縣屬河也至隋爲都唐墓初改爲洪洞縣東南二故

里漢書云邳都河東大案唐人班固失之甚也張守節今陝州河北

以郎事孝文帝孝景時都爲中郎將敢直諫面折大臣於朝堂

從入上林賈姬入廁

索隱案姬生趙王彭祖也

野彘卒入廁上目都都不行

上欲自持兵救賈姬都伏上前曰亡一姬復一姬進天下所少

寧賈姬等乎陛下縱自輕奈宗廟太后何上還彘亦去太后聞

之賜都金百斤由此重邳都濟南閻氏

漢書音義曰閻音問小兒癩病也索隱荀悅

音開鄭氏劉氏音並同

宗人三百餘家豪猾二千石莫能制於是景帝乃

拜都爲濟南太守至則族滅閻氏首惡餘皆股栗

徐廣曰薛居脚戰搖也

歲餘郡中不拾遺旁十餘郡守畏都如大府都爲人勇有氣力
公廉不發私書問遺無所受請寄無所聽常自稱曰已倍親而
仕身固當奉職死節官下終不顧妻子矣郅都遷爲中尉丞相
條侯至貴倨也而都揖丞相是時民朴畏罪自重而都獨先嚴
酷行法不避貴戚列侯宗室見都側目而視號曰蒼鷹臨江王
徵詣中尉府對簿臨江王欲得刀筆爲書謝上而都禁吏不予
魏其侯使人以間與臨江王臨江王旣爲書謝上因自殺竇太
后聞之怒以危法中都案隱案中如字讀都免歸家孝景帝乃
使使持節拜爲雁門太守而便道之官得以便宜從事匈奴素
聞郅都節居邊爲引兵去竟郅都死不近雁門匈奴至爲偶人

象郅都

木索隱漢書作寓一人象案寓形即偶也謂刻

令騎馳射莫能

中見憚如此匈奴患之竇太后乃竟中都以漢法景帝曰都忠

臣欲釋之竇太后曰臨江王獨非忠臣耶於是遂斬郅都

史記本傳

賈記鄉

滅宣者揚人也以佐史無害給事河東守府衛將軍青使買馬

河東見宣無害言上徵爲大廐丞

正義百官表云太僕屬官有大廐各五丞一尉也

官

事辦稍遷至御史及中丞使治主父偃及治淮南反獄所以徵

文深詆殺者甚衆稱爲敢決疑數廢數起爲御史及中丞者幾

二十載王溫舒免中尉而宣爲左內史其治米鹽事大小皆關

其手自部署縣名曹實物官吏令丞不得擅搖痛以重法繩之

居官數年一切郡中爲小治辦然獨宣以小致大能因力行之
難以爲經中廢爲右扶風坐怨成信漢書成信亡藏上林中宣

使郡令

正義今岐州岐縣北時屬右扶風

格殺信吏卒格信時射中上林苑門

宣下吏抵罪以爲大逆當族自殺

史記本傳
鄉賢

徐晃字公明河東揚人也爲郡吏從車騎將軍楊奉討賊有功
拜騎都尉李傕郭汜之亂長安也晃說奉令與天子還洛陽奉
從其計天子渡河至安邑封晃都亭侯及到洛陽韓暹董承日
爭鬪晃說奉令歸太祖奉欲從之後悔太祖討奉於梁晃遂歸
太祖太祖授晃兵使擊卷原武賊破之拜裨將軍從征呂布別
降布將趙庶李鄒等與史渙斬眭固於河內從破劉備又從破

顏良拔白馬進至延津破文醜拜偏將軍與曹洪擊潁疆賊祝
臂破之又與史渙擊袁紹運車於故市功最多封都亭侯太祖
既圍鄴破邯鄲易陽令韓範僞以城降而拒守太祖遣晃攻之
晃至飛矢城中爲陳成敗範悔晃輒降之既而言於太祖曰二
袁未破諸城未下者傾耳而聽今日滅易陽明日皆以死守恐
河北無定時也願公降易陽以示諸城則莫不望風太祖善之
別討毛城設伏兵掩擊破三屯從破袁譚於南皮討平原叛賊
克之征從蹋頓拜橫野將軍從征荊州別屯樊討中廬臨沮宜
城賊又與滿寵討關羽於漢津與曹仁擊周瑜於江陵十五年
討太原反者圍太陵拔之斬賊帥商曜韓遂馬超等反關右遣

晃屯汾陰以撫河東賜牛酒令上先人墓太祖至潼關恐不得渡召問晃晃曰公盛兵於此而賊不復別守蒲坂知其無謀也今假臣精兵渡蒲坂津爲軍先置以截其裏賊可擒也太祖曰善使晃以步騎四千人渡津作塹柵未成賊梁興夜將步騎五千餘人攻晃晃擊走之太祖軍得渡遂破超等使晃與夏侯淵平鄜平隃麋汧諸氏與太祖會安定太祖還鄴使晃與夏侯淵平鄜夏陽餘賊斬梁興降三千餘戶從征張魯別遣晃討攻犢仇夷諸山氏皆降之遷平寇將軍解將軍張順圍擊賊陳福等三十餘屯皆破之太祖還鄴留與夏侯淵拒劉備於陽平備遣陳式等十餘營絕馬鳴閣道晃別征破之賊自投山谷多死者太祖

聞甚喜假晃節令曰此閣道漢中之險要咽喉也劉備欲斷絕外內以取漢中將軍一舉克奪賊計善之善者也太祖遂自至陽平引出漢中諸軍復遣晃助曹仁討關羽屯宛會漢水暴溢于禁等沒羽圍仁於樊又圍將軍呂常於襄陽晃所將多新卒以羽難與爭鋒遂前至陽陵陂屯太祖復還遣將軍徐商呂建等詣晃令曰須兵馬集至乃俱前賊屯偃城晃到跪道作都塹示欲截其後賊燒屯走晃得偃城兩面連營稍前去賊圍三丈所未攻太祖前後遣殷署朱蓋等凡十二營詣晃賊圍頭有屯又別屯四冢晃揚聲當攻圍頭屯而密攻四冢羽見四冢欲壞自將步騎出戰晃擊之退走遂追陷與俱入圍破之或自投沔

水死太祖令曰賊圍塹鹿角十重將軍致戰全勝遂陷賊圍多
斬首虜吾用兵三十餘年及所聞古之善用兵者未有長驅徑
入敵圍者也且樊襄陽之在圍過於莒卽墨將軍之功踰孫武
穰苴晃振旅還摩陂太祖迎晃七里置酒大會太祖舉卮酒勸
晃且勞之曰全樊襄陽將軍之功也時諸軍皆集太祖案行諸
營士卒咸離陣觀而晃軍營整齊將士駐陣不動太祖歎曰徐
將軍可謂有周亞夫之風矣文帝卽王位以晃爲右將軍進封
遂鄉侯及踐阼進封楊侯與夏侯尙討劉備於上庸破之以晃
鎮陽平侯明帝卽位拒吳將諸葛瑾於襄陽增邑二百並前三
千一百戶病篤遺令斂以時服性儉約畏慎將軍常遠斥侯尤

爲不可勝然後戰追奔爭利士不暇食常歎曰古人患不遭明君今幸遇之當以功自効何用私譽爲終不廣交援太和元年薨諡曰壯侯子蓋嗣蓋薨子霸嗣明帝分晃戶封晃子孫二人

列侯

三國志本
祀忠義

郭子通旦子妙齡夙慧二十八歲登金大定初年詞賦高第時晉絳戶稅轉輸平涼擢通陝西西路轉運司都勾判官監視焉嚴厲有法官吏無敢有秋毫之犯二州民咸舉手加額有神明父母之感後轉絳陽軍節度副使涖官日父老僉曰此昔平涼恤我曹者今來撫此吾民何幸甫明年而境大治絳人繪像於

天寧寺立石頌德終清河防禦使

郭氏族譜
原傳

喬辰字君章初名逢辰又號蓮峰真逸洪洞人金天德三年進士詩樂府俱有名子字宇德容八歲能鼓琴召入東宮顯宗稱其不凡大定十六年成進士貞祐初爲益都按察使轉運使與

田琢器之俱歿兵間

金元好問中州集一原傳

石璞字仲玉原籍洪洞人明永樂初隨父寄居河南臨漳縣遂家焉九年辛卯科舉於鄉宣德戊申以監察御史出爲江西按察使副使剛介有治才民有取婦三日偕往婦家婿先歸婦後失之遍索不獲婦翁遂訟婿殺女婿不勝拷掠誣服棄尸塘中求之果得尸獄遂成獨璞疑曰殺人棄尸非深怨不如是萬一婦與人私夫旣受污又令枉死於理安乎夜夢人贈一麥字璞

思曰兩人夾一人獄有歸矣比明見一童子道裝竊闕門內璞
召入曰爾羽客何來得非爾師令探某囚事乎童子大驚吐實
果二黃冠因奸殺婦匿尸塘中始成信讞江西人號曰斷鬼石
正統丁卯擢山西布政使議修堯廟一夕大風拔木積廟前皆
棟梁材後進工部尙書戊辰河決滎陽命璞治之未幾決塞明
年處州盜起命璞討平之景泰辛未也先寇獨石命璞兼大理
卿往禦璞充餉勒兵修垣守險帝賜璽書曰忠勤善謀素爲邊
人信服故命爾事平進太子太保改兵部尙書丙子苗民李珍
魏元冲倡亂湖湘間以妖言煽惑愚民璞計擒元冲械送京師
亂遂平還治部事數年致仕

祀忠義

韓政字以德性穎敏八歲游鄉塾日授千言經口成誦年十二
三家多艱通衢之產爲人所有政獨慚之避道而行遂努力經
營卒復其業故老稱爲克家子洪熙改元年甫弱冠臬司以賢
良方正辟爲從事宣德壬子丁外艱治喪事悉如儀不事浮屠
士林奇之入秋官獄牒山積以之委政筆翰如流略無停滯大
司以下目之爲霹靂手正統八年試內廷居第一授從七品秩
歷政冬官督匠南畿所至以廉能聞九年通天官籍倅開州剖
煩拏裁叢沓導壅滯黜侵牟豪黠鼠竄悍獨蟄興長貳拱手境
內肅然流徙歸者爲戶七百有奇築奉萱堂迎母就養未幾夢
雙鳳集拏政徒跣扶柩合葬如禮州人上章乞奪情弗許服闋